

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سننده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه ذن
آلنق شرطیله ۴۰، طشر دلره پوسته
اجرتیله برابر ۶۰ غروشدرد.




نسخه سی ۹ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

کتیرو بده عرض انظار تمیز وانتقاد ایتمه
قالیر که بوده «معلومات» کرک همت ذوق پروری
ودقایق شناسیسته وابسته در. باقی اخلاص
و حرمت افندم.

فی ۲ تشرین اول سنه ۳۱۰ ز. ر.



آثار باهرا الانوار حضرت خلافتناهی به علاوه
فاخره اوله رق بودغه دخی طرسوسده تأسیس
بیورلش اولان حکومت قوناغک ختام انشایی
حقننده معلم فیضی افندی حضرتلری طرفندن
تنظیم اولنان تاریخ رعنادر:

﴿عبدالحمید﴾ خان شه والائزاد کیم
آفاقی روشن ایلش انوار شوکتی


حیرت رس عقول اوله حق رتبه ده هان
آباد قیلدی دائرة ملک وملتی

دار الحکومه یاپدی امور عباد ایچون
برطرز دلنشینده معمار همتی

الحق کورندی خلیجه بوامر خیرده
قائم مقام ضیا قولنک سعی وغیرتی

صاردی جهات سته تاریخی فیضیا
یابدردی پادشه بوسرای حکومتی

۱۳۱۲



عشق

برشب هجران قدر مظلمدی چشمده حیات؛
طوغدی سودا؛ باشقه بررنک آلدی وجه کائنات.
اولسم آرتق بکلمم؛ ای موت! سندن التفات،
عشق اولنج حشره دک سورسون حیات بی ثبات!


عشق اک پارلاق تسلیدر ملال عمر ایچون!
عشق بر صبح تجلیدر لیال عمر ایچون!

§

آغلاسه ک؛ پرنشوه ایلر پیش حز نکدن کذر؛
روحه لذتیر، صفالر، اعتلالر بخش ایدر؛
انکشاف ایتدیکه نشر ایلر چیچکلر؛ خنده لر؛
مطلقا جنتده بر نور مجتدر سحر:

عشق اک پارلاق تسلیدر ملال عمر ایچون!
عشق بر صبح تجلیدر لیال عمر ایچون!

لطیف



﴿قطعه﴾

برشعردر قادین که مالی حیاتدر؛
بر قیز باقلسه والدۀ کائناتدر.

مجبوردر قادینلی تکریمه کوکلز؛
حقدن او برکرم بزه، برالتفاتدر!

لطیف



﴿مبادئ تکوین﴾

(مابعد)

قشر ارضک انفضاضاتی دفعةً تشکیل نمای
وجود اولماهشدر. بوقشر، متانت وقابلیت
انحنایه سنک مساعدا اولدینی مرتبه، دروننده
جولان ایدن ماده مایعه وملتهیدی تعقیباً
اکیش، بوکولمش؛ بعضی لرلی ارتفاع؛ بعض
جهتلری انحطاط ایتش؛ نهایت بوتمایلاته
مقاومت ایده میان جهتلری چانلاهمشدر.
او زمان دکزلر، قره لر بر برینه قاریشدی؛
تبدل ایدن حذالرینک استقامت ووضعیته
کوره کاه دریالر قره، کاه قره لر دریا شکلی

آلدی. صوکره تکرار بر دوره انتظام
باشلا یوب مدت مدیده دوام ایتدی ینه بویله
بر حادثه طبیعی ایله ختام بولور. کره ارض
شمعی به قدر اولیله نیجه نیجه عوارض هجومیله
تغییر صورت ایتش و دکزی قرهیه، قره سی
دکره قلب اولمشدر. ملالغه ایزلری، جریان
آثاری طوپراغک پک چوق یرنده پدیدارد.

ارض الیوم، منابع مشتعله سنک
انطفایذیر اولدینی بر دوره سکوننده در.
سطح ارضک کونک برنده تغیر وتجدد
ایده جکی ده بزجه مصدق دکلدرد. چونکه
قطعات بریه براساس متین اوزرینه مبتنی
ودکزلر متمادی کندی حوضه لرنده سائر
ومتدا دردر.

هرقرنده وخاصة کره نک قشر
خارجیسی هنوز پک رقیق اولوب کترتله
پارچه لاندینی زمانلرده دروننده مخزون
اولان مواد مایعه فوران ایله جریاننه مانع
اولان طبقات متیندی بیرتیره برطاقم منفذلر
آچمشدرکه سطح ارضده کورولن قابارتیلرک
اکتری ایشه او منافذ برکانبه دن عبارتدر.
بو آغزلردن سیلانه باشلا یان مواد مایعه محترقه
برودت خارجیه نک تأثیریه مخروطی تپلر،
یووارلاق قابارتیلر شکلنده تجمد ایلش
قالمشدر. قشر متین ارضک قوه انحنایه سی
تدریجاً تناقص ایدوب سطح کرده اوزون
چاتلاقلر حصوله کلدیکی زمان تحت الارض
موجود اولان مواد دهها بیوک بر قوتله
خارجه طوغرو فیشقیره رق الیوم برطاقم
سلسله جبالک اساسنی تشکیل ایدن ویالچین
تپلری اقطار سماواته واصل اولان جسم
ورفع طاغیر شکلنده نمودار اولمشدر.

آیاقلر مرکز آلتنده چیکنه مکده اولدینغز
طوپراغک نصفی مرکز کره دن قشرینه
صعود ایدن احجار مذابه دن، برقمی ده دکز
صولرینک بریکدیردیکی طورطورلردن
متحصلدر. دیمک اولیورکه سلسل جبال